

竹山縣志

正

地 260.185
38
部 = 1-6



同治四年仲冬月

竹山縣志

廉臣周士楨脩纂

重修竹山縣志序



竹山舊志不可考向所存者僅史華陽
稿本規模龐創缺畧弗全前邑令嘗修
之均未有成書乾隆乙巳後一修於常
梅村再修於范沂谷越五十餘年陳君
仲衡來蒞斯土以舊志不足備稽考而
縣治復遭襄匪之變勢不能不重加修

竹山縣志

卷首序

訂余於癸亥夏承乏於茲問及縣志僉
曰同治元年川匪陷城髮逆竄境板已
蕩然無存矣舊藉尚可搜求余聞而嘆
息者久之即慨然以重修自任因下車
伊始政有急於斯者未暇也越乙丑民
凶漸蘇民力漸舒甫議及修志事適
大憲徵志之檄數至乃延邑紳別駕黃君

吉田為纂修請同官學博高華三為協
修邀縣佐范陶菴沈幼舫為勦辦局務
復舉城鄉紳耆數十輩分任採訪互相
校訂同治以前仍依舊志間有遺漏一
經搜求確實必為補入并其訛者悉更
正之同治以後閱時未久聞見易周凡
增入新志皆取於學士之贈言國人之

公論必覈其始終當否而後止再閱寒
暑彙輯成編特叙其緣起如此噫余因
之有感矣竹山名宦代不乏人而崇祀
者遠則彙征謝公近則沂谷范公上下
二百數十年食報僅此二公其餘賢令
寂寂無聞豈紀事者之失傳耶抑循良
之難得耶官斯士者當惕然於政教之

不可苟後之人將指其名而褒貶之矣
選舉為人材所自出竹邑山清水秀宜
其人文蔚起乃自

國朝以來登科名者竟屬寥寥得毋長民
者培養之有未至耶即余亦當自愧矣

然困極而亨關乎天運鬱久必發本於
人情果品學之兼優自功名之立致昔

昌黎先生云業患不能精無患有司之
不明行患不能成無患有司之不公願
諸生共勉之至若忠孝節義尤世道賴
以扶人心賴以正觀舊志藝文所載忠
烈如黃守戎節烈如徐小女徐戴氏洵
足振頑而立懦迄今讀其傳誦其碑令
人忠義之心勃然而生彼豪傑自命有

不聞風興起者哉孟心田一時名將千
古忠臣異日錄其事蹟附於史館當必
大書特書以昭一時武功之盛邑志獨
不為立傳可乎據其實而表彰之非特
為邑乘光亦可為後人勸夫邑有其人
而旌勸之官師之責也邑無其人而訓
迪之尤官師之責也官師有賢否而人

材之消長因之人材有消長而風俗之
盛衰隨之關係豈淺鮮哉顧余更有進
者天下之患莫大於有佳子弟而不能
教即欲教焉而苦於無資且無其地此
聰明俊秀之姿往往以不材終老殊可
惜也竹邑雖小有書院以育成人有義
學以訓童蒙有興賢館以助鄉會試資

斧復有社學數處分設四鄉脩脯膏火
皆取給於田租其造就人材不為不至
所慮者建立之初人心踴躍日久條規
漸壞弊端滋起而假公濟私者又從而
剝削之卒至田租出入如為他人置恒
業士子并無從沾潤文風之不振非由
於此哉惟望後之君子無侵蝕無捏報

無移作別用無視若緩圖認真經理永
遠遵行而有風化之責者復按籍清釐
隨時稽查務使一粟一錢胥歸實用庶
積聚日充栽培日厚邑人士得專心致
志以攻其業由此經明行修造為大學
問大人品出則勲猷著廊廟處則德行
薰鄉閭於以光前裕後科第聯翩非徒

不負諸名公興學之盛意抑必克副
聖天子作人之雅化余為邑人士望邑人士
愈當有以自勉歟時

同治六年歲次丁卯孟春現任竹山縣
知縣陝右周士楨謹序

續修竹山縣志序

夫志者識也表彰績節以垂示後來凡憲
章之善禮教之行時地之所宜吏治之可紀胥於
是乎徵之故所係為至重况軍興以來替此罹
荼毒最甚一時之失忠貞完節義者不可
勝數矣 上憲隨時請

旌請

竹山縣志

卷一 序

邱惟恐弗周而猶欲載之簡編傳之久遠檄飭
各府州縣趕緊設局纂修以資表揚甚盛
典也攷竹山志自范沂谷重修之後更歷五
十餘載記述無聞至咸豐九年邑宰陳
君仲衡以舊志不足備稽且目擊乎時之
忠臣義士烈婦貞媛慮其日久湮沒無以
為據耳勸率同官紳叅之舊志綴以新編

即於是年刊而心則九年以後之事皆志所
未及也今宰是邑者為廉臣周君遵
上憲札飭於此數年宜增入志者協同兩學
及邑紳等採集而編次之請序於予予曰
此志有前書在續之非難然勿以為易而
忽之也計數年以來經逢匪迭擾傷兵燹
者屢矣雖山川猶是土地猶是而邑里不無

凋殘物力不無耗竭士習民風或不免因陋
而就簡長民者修舉廢墜必審所先尤當
思忠義節烈為天理所不容泯世道所賴以
立予茲再權郡篆知其難治之邑而
舉又可為觀感之資顧予更有進者茲
潛德闡幽光 宣令也表宅里樹風聲吏
治也且夫上知將勸則政教益昭下知德

方則風俗益厚茲斯土者不以為紀載之具
久而以為治理之要術則又予之望也呈為序
同治五年歲次丙寅仲秋

欽加鹽運使銜署湖北鄖陽府知府山左艾浚美撰

竹山縣志

卷一 艾序

三

原序

志乘原本舊章抑又旁蒐眾說裁爲一代之書而竹獨無之
蓋緣遞罹兵火僅附乘於郡亦皆篇章殘缺率多簡畧茲當
聖明在御文教覃敷使介在一區而其地之城郭疆域山川陂池
土田戶口物產貢賦與忠孝節烈之實蹟藝文學校之表章
古聖先賢之遺蹟漫然無所記載一旦輶軒至止問形勝不
知問風俗不知問人物不知其何以考治績而著循良耶余
寄居斯土亦既有年每一念及代爲心慙於是遠徵文獻近
詢故舊復出入於經史百家博稽而約取之以錯綜其旨而

竹山縣志

卷一 史序

成一書上矚有日月星辰之遠下徵及蟲魚卉木之微悉非
漫而無統也其爲綱也有三爲目也二十有八從本以該末
因源以會流所謂大綱則天道地道人道盡之先之以疆域
圖考者是從地以承天而統人也天道者何郡邑分合靡非
歲運故首志建置沿革觀變志於變次入度故更志象緯摘
布圓圖循時窺測圖考附之吉一吝三機萌先見祥異附之
茫角動搖王相休廢占候又附之而天道備矣地道者何高
陵下隰流峙境中志之以形勢焉作城伊瀆都鄙有章志之
以城池焉草天木喬屑瑣必錄志之以物產焉則壤成賦貫

以差徭志之以賦役焉候館戒嚴郵筒勞憊志之以舖舍焉
盤礴萬山以界封域志之以關堡焉深溝邃澗咸設利濟志
之以津梁焉滄桑志慨陵谷興思志之以古蹟焉而地道畢
矣人道者何設官分職以理兆民故首志秩官也發號施令
君子攸躋志公署也養育人才黼黻昇平志學校也祀事孔
肅厥有司存志祀典也生齒日繁習尚各殊志風俗也捍外
衛內爲邑干城志兵政也循吏在傳輿誦在人志宦蹟也與
我共理惟爾賢才志選舉也發揮聖道至德可師政事優如
名業不朽文學炳蔚仍葆已光志人物也若致身事主大節

不奪殫力承顏用扶人紀忠義與孝行可並志也舍生取義
誓死靡他巾幗鬚眉柔而能剛節婦與烈女可並志也遊方
以外各誼高深仙釋可並志也來自遠方鏗錡同調流寓可
獨志也三才統貫揚扃其華專志藝文以要終也如是而人
道備矣夫探索必鉤其精微著述先敦夫體會如繁星之衛
斗極也如地象之首崇嶽瀆也又若人羣之專推德行也天
道地道人道之中抑各有所謂大綱焉但百餘年未有之書
余不揣固陋而草創之惟望世之君子正訛指謬以要其成
余所願從事而就正者也華陽史求忠譔

原序

昔蕭鄴侯入關獨收圖籍議者謂其不求先王遺書而急急於此終是刀筆吏所爲然漢初所以能知天下阨塞戶口之數而施其教令者端由於此自是厥後版圖日闢而代有因革人物益繁而事多更易故地理志實爲史成之要我

胡

聖

聖相承恩敷九有蕃滋富庶盛於昔來若非地各有志後將何徵竹山古上庸郡接壤秦蜀爲全楚藩籬地至重也余於乙丑

竹山縣志

卷一

常序

三

秋承乏於茲欲求志乘以資治理而不得則以曩時屢經兵燹靡有留遺竊嘆此地山重水複控引三省何以考其阨要五方聚處民情不一何以知其風尚他如良吏之政蹟鄉賢之懿行暨貞婦之節操皆不可無志爰謀之何丹仲魏樸園二廣文共事編輯茫茫無據草創爲難旣乃得史華陽志稿又半就殘缺斷綆飄飄深增於邑方欲廣搜博採以告歲事余適量移恩施事遂中止用叙崖畧以誌余懷若夫踵而行之以迄於成是所望於後之官斯土者是爲序

乾隆十一年歲次丙寅仲春湖北竹山縣知縣常青岳撰

原序

邑之有志非僅以工紀載備觀覽也蓋期有裨於實用耳入其境而山川不知財賦不知以至於兵防吏治制度文物之屬皆茫然未知也可乎哉憶予辛巳冬司鐸上庸夫固挾茫然之胸而至矣及見夫水聲山色冥濛奧衍禽音獸狀錯出雜糅而巴曲秦謳淆於耳野火峯嵐眩於目則益茫然者久之顧余往者亦嘗觀夫廣輿通志等書矣未始不髣彿其梗畧至是而訝爲不誣也因以志詢諸生曰向見抄錄小本茲散佚無存矣予深爲嘆恨乙酉春皇甫明府過署云於鄖郡

竹山縣志

卷一 尹序

四

西寺偶獲華陽史氏志稿并屬予踵而成之余念公以浙右名進士來莅茲上廉明寬恕務以德化數年來一切美政未易殫述茲復注念邑志竹人士之願也予雖謏陋其安敢辭爰令一二同人各就其耳目之所及聞見之其實銖積寸累綜而續之又取史氏之所載浮者汰缺者補僞者正五閱月而就嗟乎采花作蜜綴腋成裘自昔然矣蛇可馳河蚩能負岳誰則信之志之爲體也蔓碎則不便於流觀簡括則不免於掛漏江淹鄭樵尙有遺恨他可知已雖然負版載於鄉黨去籍譏於子輿芻蕘論答神聖弗遺里巷歌謠輶軒徧採斯

志之成也覽流峙之紛繁規制之該博可用以資其聽覩焉
稽民生之利弊政治之得失可用以深其歷練焉觀忠孝節
烈之炳著詩文論紀之燦陳可用以治其心性焉桑梓之遺
切於簡策披覽之益逾於傳聞於是聞者慧者耳食者口騰
者矜庫笥釋蹠塗者皆可隨其淺深以符其用而官是邑者
不下階而知其術一旦夕而悉其故以為竹之人興利遠害
可謂非志之力歟夫公之蒞竹也未有志書早知之明而處
之當矣顧又懼將來者之無以致用而亟亟焉惟志是圖是
亦見公之用也夫時

竹山縣志

卷一

五

乾隆三十年歲次乙酉孟夏月竹山縣儒學教諭沙陽尹一
聲序

原序

邑必有志而竹邑更不可無何也邑屬古漢中地與秦蜀接
壤據鄖襄上游爲全楚藩屏山川與行莫可紀極人物風氣
與時更變兼以五方襟背汎汎可慮生斯土者或終其身昧
於桑梓卽官斯土者亦或操刀而遽難披導以矣竹之不可
無志也予嘗令融縣得玉融志而纂修之厥有成書心殊快
然壬午冬承乏茲邑蒞任卽覓邑志而不可得垂綸莫措是
用隱憂旣而因公往府館於鄖之西寺於寺僧案上得史筆
陽志稿爲之色喜然終俚而欠雅畧而弗備也廣文尹君若

竹山縣志

卷一

皇甫序

六

巖楚南知名士也與之論列世故瞭若指掌其課士匪專以
詩文爲務尤隨其才器而造就之常時齋居靜坐杯酒爐香
嘯咏不輟予因以竹志屬焉尹君旁搜徧採原委燦然其偶
有繁碎之處予亦共爲酌汰凡五閱月而稿定正擬詳報
各憲與竹邑同人議付剞劂奈丙戌六月予匆匆解任而斯
事遂寢矣意後之蒞茲邑者仕學兩優再加斟酌踵而行之
有以諒予之片忱而無負尹君之苦心焉則幾矣是爲序
乾隆三十有一年歲在丙戌夏季月桐鄉皇甫樞序